



ÍSLENSKUR TOPPFÓTBOLTI

Samþykktir og sáttmáli aðildarfélaga ÍTF

1. Nafn og heimili

Íslenskur Toppfótbolti – samtök félaga í efstu deild karla í knattspyrnu, stofnuð 3.febrúar 2011.

Hér eftir verða samtökin nefnd ÍTF.

2. Tilgangur og markmið

ÍTF eru hagsmunasamtök þeirra félaga sem reka lið í efstu deildum karla í knattspyrnu og hafa þau að markmiði eftirfarandi:

- að skapa félögunum sem best rekstrarskilyrði og stuðla að vexti og framgangi íslenskrar knattspyrnu. Forsenda þess er að metnaður verði lagður í að styrkja og bæta efstu deildir karla í knattspyrnu.
- að verða viðurkennd af Knattspyrnusambandi Íslands og alþjóðasamtökum sem sá aðili sem kemur fram fyrir og ver hagsmuni félaga í efstu deildum karla í knattspyrna á Íslandi.
- að taka þátt í ákvörðunartöku er varða mótahald efstu deilda karla í knattspyrna
- að eiga hlutdeild að annarri ákvarðanatöku innan knattspyrnuhreyfingarinnar sem snýr að hagsmunum félaga í efstu deildum karla, þ.m.t. samningsgerð vegna markaðs – og sjónvarpsréttinda
- að miðla þekkingu til aðildarfélaga sinna
- að stuðla að samvinnu ÍTF og KSÍ að öllum málum er snúa að félögunum og hagsmunum þeirra
- að verja hagsmuni aðildarfélaga varðandi notkun annarra aðila á nafni, merki og öðrum réttindum félaganna

ÍTF skal vinna að þessum markmiðum í samvinnu við Knattspyrnusamband Íslands, alþjóðleg knattspyrnusambönd, erlend samtök knattspyrnuliða og önnur knattspyrnufélög í landinu.

Það rúmast innan þessara markmiða og tilgangs að ÍTF stofni rekstrarfélög, eftir atvikum í samstarfi við aðra, um tiltekna þætti.



ÍSLENSKUR TOPPFÓTBOLTI

Fjárhagslegur ávinningur af starfi samtakanna skal skila sér til aðildarfélag ÍTF á hverju rekstrarári eins og frekast er kostur.

3. Aðild

Félög sem eiga lið í efstu deild karla í knattspyrnu á hverjum tíma, en þau eru nú 12 talsins, geta átt aðild að ÍTF. Auk þess geta átt aðild að samtökunum þau félög í 1.deild karla sem hafa verið í efstu deild á undanegnum 5 árum. Aðildarfélagafundi er heimilt að veita félögum úr 1.deild aðild að samtökunum.

Félög sem komast upp í efstu deild geta sótt um fulla aðild að samtökunum strax að loknu keppnistímabili en þau skulu ekki eiga atkvæði um mál, sem varða uppgjör ársins á undan.

Það er ekki skylduaðild að samtökunum en þau félög sem fá aðild að samtökunum skuldbinda sig til þess að vera meðlimir að lágmarki í 2 ár.

Félög sem aðild eiga að ÍTF geta aðeins sagt sig úr samtökunum með skriflegum hætti.

Félagsfundur getur með einföldum meirihluta atkvæða tekið ákvörðun um að visa félagi úr samtökunum hafi það augljóslega brotið gegn samþykktum þessum.

4. Félagsgjald

Árlegt félagsgjald skal ákveðið á aðalfundi ár hvert. Samþykkir aðildarfélag að gjaldið verði viðskiptafært hjá KSÍ og greitt til ÍTF.

5. Aðalfundur og félagsfundir

Félagsfundir hafa æðsta vald um málefni samtakanna. Félagsfundir eru annars vegar aðalfundur og hins vegar aukafundir.

Aðalfundur skal halda einu sinni á ári, eigi síðar en 30. nóvember ár hvert. Til aðalfundar skal boðað með með sannanlegum hætti, með minnst viku fyrirvara. Á aðalfundi skulu tekin fyrir þessi mál:

- 1) Skýrsla stjórnar
- 2) Staðfesting ársreikninga



ÍSLENSKUR TOPPFÓTBOLTI

- 3) Ákvörðun um meðferð hagnaðar eða taps á reikningsárinu
- 4) Fjárhagsáætlun lögð fram
- 5) Innkomnar tillögur
- 6) Kosning stjórnar og varastjórnar svo og endurskoðenda
- 7) Önnur mál löglega fram borin.

Aukafundi skal halda eftir ákvörðunum stjórnar hverju sinni og skal til þeirra boðað með minnst viku fyrirvara. Ef tvö eða fleiri aðildarfélög krefjast þess skriflega skal stjórn boða til aukafundar, innan viku frá því að skrifleg krafa kemur fram og með viku fyrirvara.

Á félagsfundum hefur hvert aðildarfélag eitt atkvæði. Hvert aðildarfélag hefur rétt til að senda tvo fulltrúa á félagsfundum. Fulltrúi félags fer með atkvæði þess.

6. Ákvarðanir félagsfunda

Félagsfundur er ákvörðunarþær ef minnst 2/3 félagsmanna sækir fund. Nú er aðalfundur ekki ákvörðunarþær og skal þá boða til framhaldsfundar innan tveggja vikna.

Framhaldsfundur, sem þannig er haldinn, er ákvörðunarþær burtséð frá þátttöku.

Á félagsfundum ræður einfaldur meirihluti atkvæða, nema öðruvísi sé ákveðið í samþykktum þessum.

7. Skyldur aðildarfélaga

Aðildarfélög ÍTF taka á sig eftirfarandi skuldbindingar með aðild sinni að samtökunum:

- að vera ekki aðili að öðrum samtökum knattspyrnufélaga í efstu deild karla að KSÍ undanskildu
- að greiða árgjald samtakanna
- að vinna að þeim markmiðum er fram koma í grein 2 í þessum samþykktum og hlýta ákvörðunum sem teknar eru af samtökunum varðandi þau markmið
- að vera virkur meðlimur og taka þátt í ákvarðanatöku samtakanna



ÍSLENSKUR TOPPFÓTBOLTI

- að vinna að heilindum með ÍTF og aðildarfélögnum og sýna aðilum virðingu í samskiptum
- að leita leiða innan ÍTF til málamiðlana og lausna ef ágreiningur hvers konar kemur upp á milli aðildarfélaga
- aðildarfélög skuldbinda sig til að hlíta ákvörðunum félagsfunda og starfa í samræmi við ákvarðanir félagsfunda
- aðildarfélög leita til stjórnar ÍTF og félagsfunda eftir aðstæðum varðandi meðferð vörumerkja félaganna og skulu hagsmunir heildar hafðir að leiðarljósi

8. Stjórn

Stjórn skal skipuð 4 mönnum auk formanns sem kjörinn er sérstaklega. Stjórn skal að öðru leyti skipta með sér verkum.

Stjórn er kjörin til tveggja ára í senn en tveir ganga úr aðalstjórn á hverju ári.

Hvert aðildarfélag getur boðið fram einn fulltrúa í stjórn.

Stjórn skal skipta með sér störfum að öðru leyti.

Stjórnarfundur er ákvörðunarbær hafi allir stjórnarmenn verið boðaðir og ef hann er sóttur af meirihluta stjórnarmanna. Á stjórnarfundum ræður einfaldur meirihluti atkvæða.

9. Daglegur rekstur

Stjórn getur ráðið framkvæmdastjóra og/eða starfsmenn, enda rúmist það innan fjárhagsáætlunar. Ráði stjórn framkvæmdastjóra skal hann bera ábyrgð á daglegum rekstri og sinna hefðbundnum framkvæmdastjórastörfum. Formaður getur ekki verið framkvæmdastjóri.

10. Fjárhagsáætlun

Fjárhagsáætlun skal lögð fram á aðalfundi til samþykktar þ.m.t. áætlun um árlegt félagsgjald.

Fjárhagsáætlun er háð samþykki 2/3 atkvæða. Stjórn og framkvæmdastjóri skulu halda sig innan fjárhagsáætlunar. Óheimilt er



ÍSLENSKUR TOPPFÓTBOLTI

að taka ákvarðanir um útgjöld, sem bersýnilegt er að rúmist ekki innan fjárhagsáætlunar. Breytist forsendur skal halda aukafélagsfund til að ákveða viðeigandi breytingar á fjárhagsáætlun.

11. Endurskoðun

Aðalfundur kýs endurskoðanda og skal hann vera löggiltur.

12. Slit félagsins og breytingar á samþykktum

Breytingar á samþykktum þessum eru háðar samþykki 2/3 atkvæða á félagsfundi. Sama á við um slit ÍTF

Samþykkt á aðalfundi ÍTF 18.október 2016